

Sarkina Bt Mat Saad @ Shaari

From: STML - Pusat Pengajian Pengurusan Teknologi & Logistik
Sent: Thursday, April 26, 2018 12:53 PM
To: UUM - All Staff
Subject: PROGRAM SERVICE LEARNING 'CLEAN AND SMART COMPOS'



26 APR 2018/ 10 SYABAN 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Assalamualaikum dan Salam Sejahtera.

YBhg. Datuk/Dato/Datin/YBr. Prof/Prof. Madya/Dr/Tuan/Puan

PROGRAM 'CLEAN AND SMART COMPOS'



STMLL ONLINE: Satu Program 'Clean and Smart Compos' di bawah Program *Service Learning*, Kursus Pengurusan dan Kejuruteraan Alam Sekitar di bawah Pusat Pengajian Pengurusan Teknologi dan Logistik (STML) telah diadakan pada 24 April 2018 di Felda Batu 8, Changlun. Program yang disertai seramai 42 (Group B) dan 33 (Group A) pelajar Pengurusan dan Kejuruteraan Alam Sekitar dari pelbagai kaum (Melayu, Cina & Siam) di bawah bimbingan Pensyarah Dr. Nurul Azita Salleh dan Penyelaras, Dr. Chong Khai Lin serta 13 Pelajar Enactus, Universiti Utara Malaysia di bawah pemantauan Dr. Zakirah Othman ini telah dirasmikan oleh Encik Ahmad Firdaus Bin Abd Ghani, Pegawai Usahawan Wilayah Utara dengan diiringi oleh Encik Iliyeh Bin Ismail, (Pengurus Felda Batu 8), Encik Shahidan Bin Ahmad (Ketua Peneroka Felda Batu 8) serta Dr. Norani Binti Nordin (Ketua Jabatan Pengurusan Teknologi dan Operasi, STML). Sebelum itu, Pra-program *Service Learning* ini

telah diadakan pada 20 April 2018 yang lalu bagi persediaan awal membantu penduduk felda menyediakan tapak penanaman sayuran dan pembinaan mercu tanda felda sebelum hari kemuncak berlangsungnya program penuh *Service Learning*.

Menurut Dr. Nurul Azita Salleh, antara aktiviti yang terlibat sepanjang program ini adalah demo penyediaan asas baja kompos dan organik (FFJ Pisang, FAA Ikan, dan OHN Bawang Putih) serta bahan penggalak tanaman, senamrobik, penyiapan mercu tanda felda, gotong-royong, pembersihan kawasan dan rumah penduduk terpilih, penanaman sayuran serta penyediaan tapak dan tiang untuk penanaman buah *dragon fruit*. Malah, hubungan kerjasama yang baik antara pelajar dan penduduk ini telah dieratkan lagi melalui kerjasama pasukan rewang membantu kaum ibu menyediakan makanan pagi dan tengahari serta penglibatan pelajar bersama penduduk melalui aktiviti permainan seperti bowling buah kelapa, buah kelapa beracun, belon kepit, buang kepala tauge, teka-teki, radio rosak dan sambung kertas jangan sampai putus.

Program ini dilihat telah memberikan impak yang positif kepada pelajar dan penduduk di mana program yang diadakan ini telah dapat memberikan pendedahan serta meningkatkan kesedaran dan pengetahuan penduduk felda mengenai cara penyediaan baja kompos dan bahan penggalak tanaman yang mana dapat membantu penduduk menggunakan bahan organik isi rumah untuk menghasilkan baja sendiri di rumah seterusnya menjana pendapatan. Malah, program ini juga dapat meningkatkan kemahiran sosial dan insaniah pelajar dalam memupuk semangat kerjasama berpasukan, meningkatkan keyakinan diri, sifat hormat-menghormati serta mengeratkan hubungan di kalangan pelajar dan komuniti.

Sekian.



Pusat Pengajian Pengurusan Teknologi & Logistik (STML), Universiti Utara Malaysia, 06010 UUM Sintok, Kedah Malaysia
Website: <http://stmlportal.net/> | Tel: +6049287001 | Fax: +6049287070 | Email: stmlnet@uum.edu.my |



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.